

# Anpao Kin.

THE DAYBREAK

BUREAU OF  
AMERICAN ETHNOLOGY.  
1906  
LIBRARY.

“Wankantanhan Anpao kin hiyounhipi.”—Luke 1. 78.

VOL. XXI

FOREST CITY, SO. DAK., APRIL, 1906

NO. 11

## ANPAO - KIN:

Rev. E. Ashley,  
Rev. W. J. Cleveland, EDITORS

Anpao wotanin wowapi kin wi iyohina, wiyawapi anpetu tokaheya eca we-wapi tokxu kin ogna yewicakiciyapi ece.

Wi akenom (one year) on kaxpapi yamni kajujupi kta.

Wi xape kin kaxpapi wanji sam okise.

Icupi xni itokab kdajujupi kta.

Wowapi askabvapi maxaxana wanji

qaix nonpa owapi kin, mazaska eekiya.

ANPAO KIN opeton okihipi kta.

Tuwa wowapi kagin kta ca wowapi ska sani el owa kta.

Opetonpi kta wowapi hiynkiyapi qaix ed taku oyakapi kta cinpi na hiynkiyapi ca, wowapi ojula akand deced owapi kta.

REV. E. ASHLEY.

Cheyenne Agency, S. D.

### Yawaxteya Cajeyatapi Worapi Wan.

ANPAO KIN icikoyagunyanpi qa wico-ran waxte econ iyounpaxtakapi kta wookihi yuha. Okodakiciye-wakan opapi tka abebeya tipi kin, hena iyotan otakiye waxte heca kta. Bixop waun kin eciyatanhan, taku ecamon onxpaxpa oyakapi qa taku bduotanin kta wacin kin hena owasin, qa Tipiwakan iyaza omawani woyakapi kin hena. qa nakun Okodakiciye-wakan kin wotanin tawa toktokeca ed kagapi kta. Oyate unkitawapi kin owasin Anpao kin icupi qa sanm wicaxa tokeca wicacupi nin ecanmi.

W. H. HARE,

Yewicaxipi Bishop

### TAKUSNISNI.

China (Pecokan hanska) oyate kin wanna wasienn wowayupike wicohan kin lila onspeiciciyapi, na tokeša makoce tawapi kin iyatayela gluhapi kta icicuwapi kta keyapi. Icin tohinini England, France na Germany China makoce onšpašpa wicakipi qon on naičijinpi kta sece.

Wanna waniyetu ota Cinca wicaša United States makoce el hipi kta wicakišicapi. Tona hipi kin hena litani wicaša hecapi, na wasi-cun wowaši econpi kin on wiši kamnapi kin Chinaman kin he aokpani wokamna kin on wowaši econ okihi, na on wokamna wicakipi kta ikopapi kin heon. Tka hipi kte šni woce yuhapi kin China makoce etanhan wopetonpi wicaša okinihan kin lel hipi eca nakun icinšniyan owicakiliyananpi ece, na heon China makoceyata United States etanhan taku wiyo-  
peyapi kta ahipi kin opetonpi kte šni ičiconzapi, iwalitewicalapi šni heon etanhan.

Wowahite lašni yuhapi kin on China makoce ekta Wicaša wakan

wotanin wašte oyakapi kin hunli wicaktepi ške, na hunli wakokipe-wicakicagapi eyapi. Qeyaš unkiyepi etanhan yewicašipi kin tokeca šniyan heceglawowaši econpi.

[Concluded from last page]

waayatatin heca, nakun eciyatanhan wowaštelaka unkiyepi kta cin wocecon heca. Wakantanka itokab, na Unkiyela-ti kin itokab te unyawapi kin; Woniya eciyatanhan tapi kin he, wowašica wanjila on nopin ikoyaguyapi.

Lent el Anpetu Wakan Tokaheya.

Lent omaka el Anpetu Wakan tona yuke cin hena akilianičiyapi anpetu heca šni. Lent omaka imahel unpi tka omaka onšpa hecapi šni, Anpetu kin hena yawapi šni eša anpetu wikcemna topa yukan. Anpetu Wakan oyasin wewiyu-škin anpetu heca yawapi ece.

Okolakiciye wakan kin Lent icunhan tawoonspe kin unkokahni-gapi kta hecinhan akicita heca unkiyacinpi kin he unkiysuyapi kta iyececa, Baptisma unkiyepi qonhan heca opennyanpi, na Wicayusutapi ounpapi kin el wipe kin koyagunkiyapi, na tohanyan niunqonpi kin behanyan wokicize econqonpi kta unkičiconzapi qon. Lent omaka iyehantu eca Akicita lila škanpi kta ca omaka kin heca. Icinhan akicita iyuha, Okolakiciye ataya, taku iwawicašipi kin, eceli Satan itkob econpi kta, oyate wicegna, na owašpe unkitawapi el, na unkitamahel woalitani on ozuye unšipi. Hekta Anpetu Wakan yamni okicize kin he on tokel unkiyehomni kta e onahonunyanpi, na Cašota Wednesday tawocekiye kin he, Lent anpetu iyohila eye unšipi kin, on wicohan kin le taku hecinhan he unkokiyakapi, na he woyopeiçiyeye kin hee. Wakantanka wawokiye tawa cola, taku otokahe kin le econqonpi kta unkokihipi šni, heon “unkiye el kage ca icašiya ye” unlapi. Nahan wicohan kin le hankela hee šni, tka anpetu wikcemna topa bihunniyan woyopeiçiyeye kin ecel ayin kta, na “waunlitani na onunšikapi unko-glakapi kin on wokajuju awicakeya unkiyepi kta.” Eya woalitani unko-glakapi kta unšipi sa, tka otakiya awacin šniyan se econqonpi kin on, Lent omaka kin kahni-gapi, na iyehan, woyopeiçiyeye wocekiye on woalitani tokel šice cin awaun-cinpi kta na on “yutokaniyeyapi

na wokajuju awicakeya unkiyepi kta” na woalitani wokaške na wo-šice cin etanhan unkiyusškapi kte cin on. Icin “owotanla” iyopeun-kiçiyapi hecinhan woalitani tokeca kinhan iciwanyag econqonpi kta.

Wocekiye kin.

Unkiyepi on akilianičiyeye. Iye hewoskanl el akilianičiyeye kin eciyatanhan Satan ohiya, na Wanikiyapi unkitawapi kin, Iye Išnala Goliath kte cin on Wawiciya kin, na anpetu wikcemna tom econ kin Wokean unkitawapi Moses iyececa kin (Woope Itag. 18. 18), na wicaceli kin woniya el yuhukul-tu kin, unkiyepi on hecon kin on Waonspekiye unkitawapi ca Iye glatanin. Anpetu wikcemna topa Lehanyan lecon kin on, unkiye anpetu tona unkalni-gapi kta iyececa unkipazopi. Wowašte unqu piye hecel akilianičiyeyapi kta. Iye tokel econ kin iyececa, na icunhan taku owotanla eša on marigmurke se yanka cin qeyaš, ataya etanhan unkiyayapi kta ca ipiunkiçilapi kte. Unceli-pi kin Woniya el nnyuhukul-tu kta. Wicaceli kin he ohiini Woniya kici kiciza ece (Gal. 5. 16, 17; Roma. 7. 21-23, na 8. 5-7), na woniya kin he ohiyin kta unciapi ehantanhanš akilianičiyapi kta iyececa. Itancanunyanpi heconunšipi (Mark 2. 20), na woniya šica yukan, na hena wacekiyapi na akilianičiyapi kin ecela on hinapewicayepica (Mark 9. 29). Heon Wakantanka eciyatanhan taku cinunkiyapi kin, he Woniya iwaštela wicakuwa kin iyowinyanpi kin hee. Awaiccinpi kin, na tokeccin nipi kin he cante kin yutehika ece. Tka akilianičiyapi na waipiiçilapi on tawacinpi yuhica na cante kin yupanpanla, hecel Woniya kin he cante yuze kin he tanyan kaga okihi. Owotanla na yuwakanyan anaungoptanpi kta. Taku econunšipi kin le oihanke kin he owotanla na wakanyan unqonpi kta, na Wakantanka ekta na wicaša ko tokel unko-hanyanpi kte cin ecel econqonpi kta e wawokiya unyuhapi kte cin hee. Niye woyuoni-han na wovitan luha kta: wocekiye kin le Wakantanka Cinbintku eciyapi. Christ Taakicita owotanpila na wakanpi eca, he eciyatanhan Itancan tawapi kin woyuoni-han na wowitan gluha ece.

Lent el Anpetu Wakan inonpa kin.

Hekta Anpetu wakan kin he, Christ Ozuye owe Itancan kin heca, na owe kin he Baptisma icupi qon akicita heca wicakagapi, na Itancanunyanpi kin, Wakanšica,

maka kin, na wicaceli kin on Wawiciya unkitawapi ca unkipazopi.

Adam tokaheya kin taku ynšna qon he Adam inonpa kin he glue-cetu kta, hecel woyiutanyan akiyececa akipa okihi, na towašake glutanin na ohiyin kta kipi ca atanin. Yuncan unkiye iyececa econqonpi kta. Baptisma unkiyepi kin, na ihehanyan akilianičiyapi kin on woyiutanye itko-unkipapi kta e unkiyewiyeyapi kta. Na Iye kici unqonpi, na ecela on, tokel ohiye cin iyececa unkokihipi kta. Wocekiye kin he el, Christ cola, na unkiyecinkala, wicaceli cantiheyapi šice cin itkob naunjinpi unkokihipi šni unko-glakapi, na tokaheya akantanhan, na iyokihaya maheltanhan awanunyakapi kta ceunkiyapi, icin uncantepi na untancanpi nopinyan wakašote šni unqonpi kta iyececa.

Wocekiye kin.

Wakantanka iyotan wakašaka, unkiye wowašake unniçipi, na Iye wowašake oyasin gluha. Unkiçiyapi kta wowašake takuna unyuhapi šni. Wicatonpi ounce unyuhapi na Christ el unkiçigapi šni itokab hecapi, na “takuna unyuhapi šni” (John 15. 5; Roma 8.8). Akantanhan untancanpi kin el, na maheltanhan unnagipi kin ekta nopin awanunyakapi. Wowakan el unkiyakaškapi, canke Baptisma unkiyepi el untancanpi na unnagipi kin wakanpi kta e wowašake unqopi tka. He ehan makoskantanhan unyujunpi na Christ el unkojupi, na Iye ikounyakapi kin on ohiini awanunyakapi kta tka. Wicatanan el wokakije oyasin etankan. Wicatanan kin he taku iyušice cin he huha wanji wicohan šapa, naiš icinšniyan ilagiyapi kin hee; siha kin woalitani canku kin el manipi kte cin; ceji kin wicoie šapa eyin kte cin; na tancan ataya wicaceli canti heyapi on ilagiyapi kin; unkihuhapi wošice, wowašape el ilagunyanpi iyowinunyanpi kin hee (Roma 6. 19). Na wicanagš ekta wicotawacin šica tona takpe na kiunye cin. Akantanhan owotanla ohanyanpi se kin ecela šni, tka uncantepi nakun skaya unqonpi kta (Matt. 5. 8; 23. 26). Wowačin, na wicatanan ohan kin nopin wicohan heca. Nahan unma eciyatanhan woawacin wašte eša, akantanhan owotanla ohanyanpi šni ehantanhanš he hecetu šni. “Unyuha piye,” iceunkiyapi, na Wotapi Wakan el unyuhapi. Itancanunyanpi Jesus Christ Tancan kin niye on wicacupi kin he lee, nitancan na ninagi kin wiconi owihanke wanice cin ekta ai (niyuha) nance. Hece Christ el unqonpi kin on taku unkilapi kin unkiyepi ece. Unkitancanpi hena woekicetu kin el piya najinpi na unnagipi kin ake ogekitonpi kta ca kiksuya po; heon etanhan tokin unkitancanpi kin itonpeyahan yuha unqonpi nin.



# THE DAYBREAK.

Rev. E. ASHLEY,  
Rev. W. J. CLEVELAND  
EDITORS.

THE DAYBREAK is published monthly in the interest of the Protestant Episcopal Church among the Sioux Indians of South Dakota.

The subscription price is 30 cents per annum and may be paid in one or two cent postage stamps.

Single subscriptions for six months, 15 cents.

All subscriptions and matter for publication should be addressed to

REV. E. ASHLEY  
Cheyenne Agency, S. D.

## Letter of Commendation.

The tendency of THE DAYBREAK is to provoke to good works and to bind us together. It will be a special help to the scattered members of the Church. Besides other Church news, it will contain my official notices and accounts of my official acts and visitations. I hope our people will take it and circulate it.

W. H. HARE,  
Missionary Bishop

PRINTED at the office of the "Forest City Press."

ENTERED at the Postoffice at Forest City, So. Dak., as second class matter

## OKOLAKIYE WAKAN WIYAWAPI.

April wi kin

1. Lent el Anpetu wakan iza-  
ptan..... To stan
8. Lent el Anpetu wakan isa-  
kpe (Palm Sunday)..To stan
9. Easter itokab Monday.
10. Tuesday, Easter itokab.
11. Wednesday, Easter itokab.
12. Thursday. (Wawicasi) Easter  
itokab
13. Friday Wašte kin
14. Easter itokab itayetu kin
15. Easter Anpetu kin..... Ska
16. Easter Anpetu-wakan kin  
el Monday.....Ska
17. Easter Anpetu-wakan kin  
el Tuesday
22. Easter iyohakab Anpetu  
wakan Tokaheya kin...Ska
29. Easter iyohakab Anpetu  
wakan Inoupa kin..... Ska

## Wotanin-wašte Ayapi On Wocekiye.

Anpetu iyohi wicokaya he cin ehan  
heyapi kta:

Wanikiya wašte isto wacantki-  
ya nitawa kdugad, canicipawega  
akan otkeyahan yaun tka qon,  
maka akan wicaša un kin owasin  
Niye ekta etonwanpi qa niwica-  
yapi nunwe. Amen.

## Yewicašipi kin on.

O Wakantanka, tuwe wicawe  
wanjila on, wicaša oyate hiyeve  
cin oyasin maka kin owancaya  
etipi kta e wicayakage cin, na  
tona itehanyan naiš kiyela unpi  
kin, wookiye owicakiyakin kta e  
Nicinea wašte uyaši qon; wicaša  
oyasin onilepi na iyenianpi  
kta unqupi ye. Oyate kin optaye  
nitawa kin opewicaya ye. na  
Ikcewicaša kin wokiconze nitawa  
ekta awicagly ye. Tona wicaye-  
co kin ecalu wicaluecet, na ni-  
tokiconze kin kohanna nyakiyin

kta iceunniciyapi; Jesus Christ  
Itancanunyanpi kin hee eciyatan-  
han. Amen.

## Wotapi šni Itokam Wocekiye wan.

O Itancan, wopida unnicupi.  
Wotekdapi kin wodwicaya ye.  
qa wicaša owasin, maka sitomni-  
yan, Wiconi Aguyapi ni un kin  
Malipiya eciyatanhan hi kin he  
odepi qa iyeyapi kta e iceunni-  
ciyapi. Amen.

## Grace before Meals

Thanks be to Thee, O Lord.  
Feed the hungry, and grant that  
all men, everywhere, may seek  
and find the Living Bread which  
cometh down from Heaven.  
Amen.

## Mitakuyepi tecilindapi:

Hekta taku wanjikji Booker  
Washington tawokde etanhan iwa-  
cu, qa taku aiyyotan iwokdake cin  
he tiwahe oyuba kin hee.

Iho, wanaa woiwange wan en  
unhipi; Wicaša wan winyan kici  
wakankiciyuze cinhan, hehan oun-  
yanpi akitapi kte cinhan token  
akitapi kta he? Wanaa Dakota  
kin nina oicimani ota ecamon kin  
en tipi ota timahen wai eca taku  
nom iyokipimayanpi, qa taku kin  
de awacanmi qa nakun iweksuwe.

1st. Ite wicimdezya, qa waliba-  
yena qa kaiŋaya unpi kin hee.

2nd. Tipi kin tanyan skaya ki-  
kdepi qa oiyokipiya he cin hena  
wanmdaka cin eciyatanhan un nina  
iyomakipi. Tokin Dakota kin  
iyuŋa tanyan tiwahe yankapi qa  
tipi tawapi kin yupiya kicuwap, qa  
skaya kikdepi do; opa owakihi  
ni qa wacin lee cin hee.

Nitakoda,

W. H. Hare.

Hekta taku wanji eciyatanhan  
kin he ounyanpi yuhapi kte cin  
hee.

Hehan token econpi kinhan iyu-  
škinyan ounyanpi kte cin he owa-  
sin awacinpi kta iyececa. Oyate  
unkitawapi kin ekna tohan icima-  
wani eca, decen iyewaya, wicaša  
ota tohinni tipi wašte wan yuhapi  
kta cinpi eša he okihipica šni ke-  
cinpi. Icin mazaska ota yuhapi  
šni kin heon etanhan. Ho, dece-  
kce tawacinpi kin he ijehan wowi-  
cake e iyewaya; tka tipi hunŋ en  
wai eca nina tanyan tipi qa cante-  
waštepi, qa mazaska ota yuhapi  
šni, qa walpanicapi kewicakiyapi;  
tka tipi kin dena en taku owasin  
tanyan ayucoya qa apiya han, qa  
heon eciyatanhan iŋeya wicaša wi-  
jica wan ti kin en okna yaun kin  
he iyececa.

Taku kin de taninyan jajaya  
epin kia wacin. Taku tona econ-  
pi ca qa iyehantu kinhan kohanna  
econpi kta iyececa.

Iho, wotapi kin he eciyatanhan  
wounkdakapi kta. Tohan wanaa  
wotapi kta iyehantu qa wotapi šni  
kinhan, hehan tipi en taku tanyan  
etonwanpi kte cin he okihipica šni;  
wotapi iyehantu kinhan kohanna

licin econpi kta he hecetu. Tu-  
ktekte tipi wanjikji wiliyayena  
šakpe apa canna hehan wotapi ece  
e, qa akeš iŋinŋanna canna šakdo-  
gan apa hehan wotapi, qa akeš tu-  
ktekte okiuni iŋinŋanna ca napcin-  
wanka apa wotapi naceca.

Hehan wicokahiyaya wotapi kin  
he iš akenonpa ape cin hetu, qaiš  
tuktekte wanjini apa cin hehantu,  
qaiš hehan nonpa apa cin hehantu  
naceca: qa hehan itayetu wotapi  
kin he iš šakpe apa qaiš šakowin  
canna hehan wotapi naceca.

Ho, qeyas okinni tiwahe iyuŋa-  
na witayena wotapi šni, qa taku  
econpi kta iyehantu qon hena e  
iyutakunipi šni qa on etanhan iyo-  
kišiniŋiyapi; heon tohan wanaa  
wotapi kta e iyehantu kinhan he-  
ceknana licin tiwahe en tona unpi  
kin hena witayena en hipi kta iye-  
ceca. Kinhan hen okitahena taku  
econpi kte cin iyehantu šni ecan  
hen oko okna ciqayena oziiciya  
yankapi kin icunhan, wowapi ya-  
wapi qa taku econpi waštešte wan-  
jikji en škanpi kte cin he hecetu.

Hehan wiyukcanyan škanpi kin  
on.—Yatipi kin wašte šni kinhan  
qaiš mazaska ninica eša wiyukcan-  
yan yaškaupi kta oyakihipi ęe.

Eca tiwahe yuhapi kin tona han-  
hepi ehan ti kikdapi qa wancake  
tukte yuidepi yanke cin en ataye-  
na yusiinyankapi he? Ho, heon  
he okna tuwa tipi tanyan awanya-  
ke cin isdonunyanpi; tka decen tu-  
wa econ okihi šni ehantanhanš he  
oape ciqana wanjikji itaya yutaku-  
ni šni; tka tukte en yuidepi yan-  
kin kta e yakage, ęa hehan tiwahe  
nitawa kin iyuŋana owicayakiya-  
kin kta, qa onspewicayakiyapi  
kta, hececa kinhan wiliyayena  
oape ciqana wanji yakdušna kte  
šni, qa takuni icanšin niciyin kte  
šni; tuktekte iyuidepi kin wakna-  
wotapi kin akan eknakapi qaiš  
titahepiye canmdaska ciqana oka-  
tanpi kin ekta eknakapi, qaiš ca-  
nowinja kin en, tukte tuka keš  
eknakapi naceca, tuktekte kakiya  
qa deciya yanka. Tiwahe ota en,  
anpetu iyohi taku ciqana kin de  
on oape ciqana zaptan qaiš wikce-  
mua yutakunipi šni.

Hehan, wakšica ipakinte kin he  
eciyatanhan.—Ho, he iš wakšci ipa-  
kinte kin tukte en otkeyayin kte  
cin he duhapi kta, qa anpetu iyohi  
en otkeyayin kta iyececa. Tona  
taku unpi kin hena tukte eknakapi  
kte cin yuhapi šni kinhan, hehan  
taku icupi kta cinpi keš tukte yan-  
ka tanin šni eca, hehan inaŋni owo-  
hinsko tanka ko odepi ece e, qa  
oape ciqana zaptan qaiš wikcemna  
yutakunipi šni, qa hehan heyapi  
ece e—"Johnnie" qaiš "Jennie tu-  
kte yanka he?" qa "ehake nun qon  
tukte en eyaknaka he?" Qa taku  
decekececa eyapi ece e.

Qa nakun owankicalinte wowi-  
cakē kin he iyececa.

Tipi wan timahen taku amdeze-  
yan škanpi kinhan tohinni owan-  
kicalinte kin he tokecinyan ekdepi  
e iyeyayapi šni.

Tokin owasin owankicalinte kin  
de tokiyatanhan owotanna ekdepi  
kte cin he sdonyayapi ni ecanmi.  
qa ohinni tukte tanyan eknakapi  
qa owotanna han e iyayapi ece kta.

Tohan taku tanyan eyaknakapi  
šni ehantanhanš, icin oyadepi ca  
taku ecanon tanin šni ituya eca-  
nonpi, tka heceena šni, tka nitowa-  
šake kin he taku wašte on ecanon  
kta oyakihi, tka ituya yakdutaku-  
ni šni.

Qa tukte iš okde otke kte cin he  
e, qa nakun šina kamima qa wapo-  
šta. Ho, taku keša owasin tukte-  
kte otkeyapi qa eknakapi kte cin  
hena yuhapi kta iyececa.

St. Andrew Brotherhood, Niobrara Dean-  
ery Provincial Chapter un kin Yuwita-  
ya omnicieye econpi, White Swan  
(Magaska Oyanke) St. Phil-  
ip's Tipi wakan okna.

Sept. 8, 1905.

Rev. E. Ashley, Itancan kin he  
wocekiye econ, hehan Omnicieye  
kta ca tiyopa yugan.

1. Caje owicawapi hee: Pres.  
Rev. E. Ashley; Vice Pres. Louis  
Claymore; Treasurer, George Lau-  
rence; Secretary, Thomas Arrow;  
Assist. Secretary, Chas. Brugier.  
Officers owasin hipi.

2. Hehan kahnihi hipi kin: Chey-  
enne Agency etanhan St. Stephen's  
Chapter, Eug. Standing Bull;  
Frank Wanbdi wakan un: James  
Spotted Horse. Hehan Emmanu-  
el Chapter etanhan Samuel Sinte-  
yuwi, Jerome Talica ska, qa Dan-  
iel Cetanwakuwa, President kin.  
Rosebud Chapter (Sicangu oyanke)  
Pres. Rev. Dallas Shaw, Samuel  
Bordeaux, Chas. Jones qa Louis  
Dorian. Holy Fellowship Chap-  
ter No. 1301 Rev. Jno. Flockhart,  
Pres. Chas. Brugier, Battiste Ar-  
chambeau, John Caponka qa S.  
Spider. Chapel Holy Name, Cho-  
teau Creek etanhan, Rev. Jos.  
Goodteacher, Thos. Bates, Henry  
Stinger qa Jos. H. Cook. Isanati  
etanhan, Pres. Jos. Cash, Capt.  
Jos. Young, Samuel Jones, Jo-  
seph Chapman. Holy Faith etan-  
han, Henry Westman, Eugene  
Hoffman, Henry Jones. Flan-  
dreau etanhan, Pres. Zenas Gra-  
ham, Willy Westman.

3. Oitancan piyapi hee. Rev.  
E. Ashley ake hecekna Itancan.  
Vice President, Rev. Joseph Good-  
teacher. Treasurer, George Lau-  
rence. Secretary, Thos. Arrow,  
Assist. Secretary, Chas. Brugier.

4. Hehan taku iwokdakapi owa-  
yanke cin, program he etanhan  
No. 1 qa 9. Wicoŋe waštešteota,  
hena owasin owapi ehaš hanska.

5. Hekta Committee unpi qon  
wicakiyuškapi.

6. Hehan ake Committee lecen  
wicakalinigapi Itancan kin iye wi-  
cakalnige kta eyapi qa itancan  
ecen econ qa dena wicakalnige:  
Rev. Wm. Holmes, George Lau-  
rence, Alfred C. Smith, Rev. Dal-  
las Shaw qa Louis Claymore. 10  
p. m. hecen ito enakiyapi.



Sep. 9, 1905.

Ake Brotherhood St. Andrew omniciye econpi. Rev. Dallas Shaw wocekiye econ. Hehan itancan kin iwicawange ca wancag program taku owapi kin iwohdakapi kta he. Tka ito qeyas ocisteyema hen taku tokeca eyapi kta eyapi. Itancan iyowinwicakiye.

Mr. Goodteacher woyake ca heya. Mr. Thomas Tuttle, Crow Creek etanhan he Sunkakiciyapi dehan ope kta cin, Crow Creek ed Chapter wanice cin on. Nakun Mr. A. C. Smith inajin qa wanji is eya caje ahi keya, Mr. James Williams nakun Crow Creek etanhan. Heon itancan kin wawiwanga, owas "Ho" eyapi. Heced itancan kin icinonpa omniciye unyuhapi kinhan eya, heced Sep. 11 qa 2:30 omniciye kta.

Hehan Mr. Dallas Shaw inajin qa woyatanin qa heya. Winyan wan, Mrs. Jordan eciyapi teliya wakipa cinea wan minind qa. He kiksuye cin on St. Andrew Sunkakiciyapi, Niobrara Denery Provincial Chapter unpi kin he \$10.75 wicagu keya. Unkan Itancan kin iwicawange ca icupi kta hecinhan eya, unkan omniciye kin owasin Ho, eyapi qa iyokipiya icupi. Ake Mr. Shaw wawiwange ca pidapi wowapi wanji kicagapi kta waste eya qa owasin ake Ho eyapi.

Mr. George Laurence, Mazaska awanyaka nikitawapi he tokel mazaska awanyakapi owicohan kta wawiwange, unkan decen ayuptapi. Mazaska tona Dakota Wicasa Wakan on wawokiyapi kta tiyata Chapter iyepi yuhapi kin Convocation ed ahipi qa tuwa Mazaska awanyake cin qupi kte, hehan iye Convocation ed heca wamnayanpi yuke cin ed ai kta.

Hehan program owapi he icupi. Hetanhan Mr. Goodteacher No. 3 he cajeyate. Hehan ito Sep. 11 hehan ekinakapi.

Sep. 11, 2:30 p. m.

Rev. Jos. Goodteacher wocekiye econ. Hehan cajewicayatapi hee tka cajewicayatapi kte sni eyapi qa yustanpi. Hehan wanna Chapter iyohi Dakota Wicasa Wakan owicakiyapi kta mazaska ahipi hena icupi kta. Hecen mazaska icupi kta yamni Committee wicakalinigapi, Mr. A. C. Smith, Mr. John Istamaza qa Mr. J. Tuttle. Hena mazaska icupi kta au icinhan program taku owapi tona kinakapi hena iwohdakapi.

Hehan wanna Thomas Tuttle qa James Williams sutaya opewicayapi Itancan kin iye wicakiyustan.

Hehan mazaska decen ahipi Committee yaotaninpi: Santee, \$18.66; Emmanuel Chapter, Cheyenne Agency, \$6.00; Yankton Agency 1.05; Flandreau 5.00. Hehan St. Andrew omniciye en wamnayanpi 3.92.

Hehan hekta Flandreau en Ataya omniciye qon ehan Record Book wanji unyuhapi waste hepa unkan hecetudapi qa 2.02 on opemton-

masipi qa wanji opewaton 1.25 iyopewaye hecen unna kin hena 75 cents Mr. Lawrence mazaska awanyaka nikitawapi waqu.

Thomas Arrow,  
Wowapi Kaga.

#### ABLEZA PO!

Inwankab St. Andrew Provincial Chapter kin miniciyapi qon Lakota Wicasa Wakan Tawomnaye wawokiyapi oyakapi qon, Chapter tona hiyeye cin na Koskalaka tona oyapapi kin, wicohan kin he yeksuyapi nin. Hecel tiyata yaunpi kin womnaye kin he awacanipi kte ca tokata Chapter nitawapi kin Womnaye kin he on mazaska tona wawoyakiyapi kte cin yakicanyanpi kta wacin. Icin wicohan kin he waste, taku ikeeka on wayusotapi heca sni, tka Lakota etanhan wicasa ninn heca oyate eгна woyakapi kta e on waonsilayapi kta cinniciyapi. Hecel bliheciya po misunkapi.

E. Ashley.

Anpao kin :

Niobrara Deanery mahen. Skaunpi Okodakiciye ohdateya, wacekiyapi ed opa wicasa heca, wowasi econ okodakiciye wan, "Brotherhood of Christian Unity among the Dakotas" eciyapi wan un kin he, qa he etanhan adetka omniciye tonakiya unpi kin hena he de nakilionpi kta e Anpao kin icyanpaha kta e icewakiya.

Jan. 6-8, 1906, anpetu kin hena ed, Lower Brule ed, B. C. U. adetka owasin etanhanhan kalnigapi heca, witaya General Meeting econpi kta e General President Rev. P. J. Deloria wicakico.

Wana anpetu iyehantu qonhan, Jan. 6th hinhan kin ed, Lower Brule B. C. U. Tipi wakan he cin okna omniciye kin iyotankapi. Oyauke dena ed hipi, Crow Creek etanhan, Greenwood etanhan, Lower Brule etanhan, qa ataya Itancan kin is un kin etanhan hi.

Taku tokaheya kin dee. Sept. 7 1905 White Swan ekta Convocation econpi kin icinhan, he ed B. C. U. tawoope qeya eced owa, qa woope kin hena wana myuhapi e yaotanin. Unkan woope kin hena Jan. wi kin de ed, Oacoma otowahe kin ed, Mr. James Thompson he maza akdiyaheye wicakiya, opawinge wanji wasicun iapi okna akdiheyapi, qa opawinge wanji is Dakota iapi okna akdiheyapi, tka Dakota iapi on akdiheyapi kin, he oowa kin ota icinshian akdiheyapi, qa on taku kapi kin atanin sni, heon ito nom wicakalinigapi kta, qa hena tona yusnapi owasin eced yuwotan piya akdiheye wicakiya pi kta yustanpi, qa Mr. Ben Brave qa Mr. Alex. Rencontre, Lower Brule etanhanpi kin hena oza wicakalinigapi, hecen tohan hena yustanpi kinhan, adetka omniciye owasin eced tona kipipi kin he iyacinyan yewicawakiyin kta. Hecen tokaheya opawinge nom akdi-

heyapi \$15.00 iyawapi, hecen ataya mazaska Awanyake cin, Mr. Charles C. Tackett he \$15.00 icazo kin he kajuju kta e wowapi kin he yewakiya.

Hehan taku icinonpa kin, B. C. U. ataya mazaska knake cin hena on ito Trustees nom wicakalinigapi kta, qa oitancanpi kin hena, qa Bishop hena ob, mazaska kin hena owicagupi on akamnapi qa owotanna eced yankin kta e on, Bishop token waste kta keye cin oknayan, Bishop towiyaksape tawa kin okna, iye hena tuwa sdonye cin ed, Bank wan ed eknakapi kta, qa is he etanhan iyopte owicagupi on wokamna econpi kte cin econ kta. qa hehantu kinhan, tohantu cana icaga icupi kta wasdonye kte cin tuwe kin he kici sdonyapi kta, heon Mr. George Stricker Greenwood etanhan kin he, qa Mr. Ben. Brave Lower Brule etanhan kin hena oza Trustees heca unpi kta e wicayustanpi, qa hena B. C. U. ataya oitancanpi kin tohan apiwicayapi kte cin hehanyan unpi kta.

Hehan taku icyamni kin. B. C. U. ataya Wowapi kage Mr. James Thompson ayustan kta yustanpi, qa Mr. Homer H. Clark Crow Creek etanhan kin, B. C. U. ataya Wowapi kage kta yustanpi.

Hehan taku icitopa kin B. C. U. ataya Wowapi kage kin he, wowapi ska, ojuha, ite ayaskabye, qa mini sapa iyopeye ca un kta e, ataya mazaska awanyake cin, mazaska knake cin etanhan \$2.00 qupi kta yustanpi.

Hehan taku icizaptan kin. Jan. 6 1906 imahen wiwazica wokajuju kin 50c. kta qa omaka wokajuju kin is \$1.00 kta. Heced B. C. U. opa otioyohi Jan. 6 1906 hetanhan, qa unna tokata Jan. 6 1907 kte cinoko kin de ed, omaka wokajuju kin qa wiwazica wokajuju kin yusakib \$1.50 iyohi ihpeyapi kta e he kiksuya po.

Hehan taku icisakpe kin. B. C. U. oadetka owasin cajepi kin hena tona hecetuwanjica tanyan wowaši econpi kin henana, iye adetka unpi kin etanhan wicacaje kin hena Convocation ekta yuhaya ipi kta e yustanpi.

Homer H. Clark.

Rosebud, Butte Creek etan.

Anpao kin:

Ito mitakoda lehan taku tona miyecilaotanin wacin ye lo. Lamakota lakaš celpi takecapi he isi eya iyemaceca, na taku tona Dakota econpi kin mišiya ecamon na econ unkaupi ecee. Ho tka taku ni unkiwaste pi sni na heon lehan wanna piya inauunjiupi. B. C. U. omniciye qon he wake. Icin unlakotapi canke wocekiye kin le takn ikekeceya unyawapi selececa unkipajinpi ecee. He ecaca mitakuyepi he hecetu sni Tuktetu kasa wocekiye econpi na en unqonpi ehantans en unyanpi iyececa na en aikiciyapi he nina Wakan-tanka iyokipi sni. Incin wicohan waste heca sni, lakaš unkiyepi esa

tuwe taku ciscina wanji sica unkekiyapi kin icante unwaste pi nains toketu hwo. Wan, nina iyomkipi kte sni, incin taku waste sni lakaš. Mitakuyepi tuwe waaie sa icice lo. Wowapi wakan oegle wanji decen eya, Matt. 24. 12. "Hehan wicohan sica ota icage kta, heon wicota wastelake cigon sni aye kta." Ho hecen mitakuyepi wowapi wakan oegle wanji weksu-ye na lila cante mašice. Ho hecen eya wicasa waste le hemaca sni, wicasa walitani sa hemaca, tka ho hecen wablaotanin kte cin itokab lena epa wacin, na heon ito tuktetu keša ospaye wan unpi qon hel taku econpi qon he waste ca econpi ehantans gluotaninpi lo. Yunkan Butte Creek ospaye unqonpi qon le wicasa otapi sni tka. Ho hecen B. C. U. omniciye qon he tanyan inyankekiyape lo, canke oiyokiya sa omniciye econqonpe lo. Ho lena wiakenonpa oitancan yankapi kta: Pres. Jesse Jaw; Vice Pres. Joshua Roan Eagle; Sec'y. John Eagle Dog; 2nd Sec'y. Geo Red Hawk; Treas. Bad Whirlwind; Wamnaye, Thos. Black Horse. Ho mitakola tona Anpao lawapi qon hena iyskinyan nape au po. Nitokalapi wanji miye.

John Eagle Dog.

Kyle, S. D.

Faith Station etanhan wayaotanin ciši kte lo, kola Anpao kin.

Yunkan Faith Station el Koskalaka omniciye piya teca icicagapi na el koskalaka tona ayotan Okolakiciye wakan el okiya najinpi kta iciconzapi, tohanyan okihipi kin hehanyan Wakantanka iyohlate wowaši econpi kta iciconzapi. Okolakiciye wakan etanhan wowa-onšila yuhapi kta onspeiciyapi kta on heconpi. Faith Station el koskalaka tona wasagya najinpi kta on oitancanpi kin lena eepi: Charlie Brown Cloud, Tunkansilayapi: Charlie Standing Cloud, Tunkansila okihe: Sam Last Horse Jr. Wowapi Kaga; George Little Wound, mazaska awanyaka: Alex. Yellow Wolf, Wamnayan, na Allen White Dress okihe. Umapi kin leepi: Hugh Top Bear, Fred Top Bear, William Hits Enemy, Tom Growling Bear, Henry Feather Man, Moses One Feather, Willie One Feather, Daniel Feather Man, Robert Horse, Frank Little Wound, Robert Standing Cloud.

Anpao kin lehanl onsiyehcin woyagunnišipi, tohanni hecel woyak unnišipi sni ye lo. Ho yunkan lehanl tuwa hecel eunkipazopi laka kola Anpao woyake unnišipi uncinpi lo. Lecel mitawacin ye lo. Le Faith Station el wicohan unyuhapi kin tohanni naunyaonpi sni ye lo. Ho lehanl tokel ohan unyanpi qon hena naunyaonpi uncinpi. Hekta ehanni Wawokiya wanjikji om unqonpi qeyas tohanni wicohan waste qon he el bliheya waonspeunkiyapi sni canke iyotiiyekiya slohan unqonpe lo, na lehan iyotan tuwenni unkiyapi sni



tka wicohan wašte qon he yuha naunjinpi, šika wicohan qon he yuha kacegegya naunjinpe lo. Ho qeyas inihanšni naunjinpe lo, wicohan wašte okiyin kta naunjinpe lo. Ho hecel wowaonšila on unyeksuyapi nin ecanmi ye lo. Ho iyotaniyekiya lecel unškanpi ye lo, qeyas wacintanka unkieunpe lo. Ho yunkan Wowapi wakan wicoie wan ohinniyan yus waun we lo, lee, Mattheos 11. 14 el lecel eya "Na niš wicala wacauni hecina Elias u kte cigon he lee, tawe noge winalion yukan hecinhan he ito nahon kta. Ho wicoie kin he ohinniyan weksuye sa ye lo. Icin Wowapi wakan eceyela walaka heon.

C. S. Cloud,  
V. Pres.

Le ihukuya unkowapi kin he "Iapi Oaye" etanhan unkieupi na unnicipazopi, wanlakapi kta uncinpi kin he on, na taku kapi kin on woiyokipi šni yuke cin, on tokel eyapi kin he hecetu unkecinpi na heon ihukuya tokel awauncinpi kin unkeyapi. Hecel ito tanyan yawa po, awiyukcan po, na ognaya igluhica po.

#### TUNKANŠIDAN OKIHE DAKOTA OYATE WICAHNAYE.

January wi kin en, Iape Oaye taku Commissioner of Indian Affairs eciyatanhan yaotanin; qa Šinasapa obe ake Dakota tamazaska dapi kin token ohna woiyowinkiyewicacupi kte cin oyaka. Qa he en taku owasin owotanna econpi kta unkeyapi. Tuka wohnaye wan ohdateya wanke cin dehan iyeunyanpi.

Commissioner of Indian Affairs decekcen oyaka. Owakpamni ektakta okodakiciye wakan tawoonspe wanji okiyapi cinpi ehantanhanš, tona he kodayapi kin Ateyapi itokam wowapi wan yutanpi kte. Qa tuwe hecen yutan kinhan mazaska iye qa cinca kin atayedan tawapi kte cin he elipeyapi, qa tohan mazaska pamnapi kinhan iye aokpaniyan icupi kta. Qa de ohna nakun tona woiyowinkiyewowapi yutanpi kin iciconzapi kta, Tunkanšidan Okihe eya.

Heon tona wowicada tokeca etanhanpi qa Šinasapa okodakiciye tawoonspe okiyapi kta cinpi šni kin hena takudan ikope šni owanjidan yukanpi okihipi seececa. Ecin tona wowapi yutanpi kin iye tamazaska unpi qa tuwe tokeca mazaska tawa kin etanhan icupi kte šni, hecen taninyan wanke. Tuka ehanqon hecetu šni. Ake womanon yuke kta, mazaska tawapi šni našmani icupi kin eciyatanhan.

Pine Ridge Owakpamni ektawanjiksi woitonšni wan ohdateya wanka ikopapi qa Ateyapi yuhapi kin Tunkanšidan Okihe iwanlišipi. Qa decen wiwanga:

"Pine Ridge Agency, S. D.

"February 1, 1906

"Commissioner of Indian Affairs,

"Washington, D. C.:—

"Pine Ridge ekt Dakota oyate

yukanpi kin taku sdonye wacinpi. Holy Rosary Mission (Šinasapa tawa) wokajuju on owicakiyapi kta kin on oyate hanke sam iyewa wowapi wicakiciyutanpi šni kinhan woyušan kta he. Qa wokajuju Šinasapa wicacupi kta yušanpi kinhan totanhan icupi kta he, tona woiyowinkiyewowapi yutanpi "trust fund" etanhan mazaska tawapi kta ecedan icupi kta, qaiš "trust fund" oyate ocowasin tawapi etanhan icupi kta umatunkte he. (Signed.)

"Brennan, Agent."

Qa Tunkanšidan Okihe kin decen ayupta:

"Washington, D. C.

"February 2, 1906.

"Agent Brennan,

"Pine Ridge Agency, S. D.:—

"Wokajuju kin 'trust fund' qa 'treaty fund' wokidapi wowapi en cajeyatapi kin etanhan icupi kta, qa tona wowapi he yutanpi qa cin capi kin onge tawapi kte cin en oicazo wicakiciyawapi kte. Hehan hena yuwitaya yawapi kte, qa tohan ake mazaska pamnapi kte cinhan mazaska oyate tawapi ocowasin kin etanhan icupi kte qa he on oyate ataya en taku wicašta otioyohi tawapi kta yucistinapi kte. (Signed.)

"Leupp, Commissioner."

Hecen Commissioner Leupp nonpakiya eya. Tokaheya kin en: Tona Šinasapa owicakiyapi kta on wowapi yutanpi kin hena he oicazo wicakiciyawapi kte, eya. Qa ake tohan sanpa analibe kta okihi šni heya, Heon, Dakota otioyohi taku tawapi kta yucistinapi kte, eya. Tokaheya on oyate wicahnaye; qa tona wowapi yutanpi kin hena ecedan iyowajapi qa on itokecapi kta e oyate wicada wicaya. Qa icunhan, takudan ecin šni yukanpi ecen, tamazaska wicaki kta škan. Qa owopamni owasin iyowajapi kta, qa tukten Šinasapa tawoonspe wanica ešta tona Dakota oyate \$3,000,000 "trust fund" eyapi kin iyoniwajapi kin, niyepi nakun iyonihipi; qa niyepi en tokata mazaska pamnapi kte cin en otioyohi taku iyacupi kte cin nicipu cištinapi kta okihi, Šinasapa tawoonspe kin eciyatanhan.

Pine Ridge oyanke kin en oyate naičijinpi qa wowapi tokeca wan yutanpi. Qa wowapi en heyapi: Holy Rosary Mission school Dakota tamazaska etanhan omaka 1906 kin en owicakiyapi kte šni, hecen Tunkanšidan okihe kin eciyapi. Wanna wicota wowapi kin de yutanpi qa he ohiye kta seececa. He iyecen Dakota oyate ošpaye owasin kin naičijinpi unkanš wohnaye kin de anaptapi kta tuka.

Iwankab wowapi kin he el taku yaotaninpi kin he Lakota oyate yaunpi kin iyotan iyoniwajapi. Eya mazaska naiš taku nitawapi kin on tokel olanyanpi ota slolyayapi šni eša Wašicun hunli niopeya unpi kin enicitonwanpi na oniciyakapi ece. Eya Wašicun tona wanwicalakapi ece kin iyuha hececapi šni hunli woowotanla awacinpi na hunli wowicaša šni wamanonpi eciyatanhan škanpi. Yunkan mazaska 3,000,000 nitawapi

etanhan wicaša šniyan na wamani ei nonpi kte hecin škanpi kin he nicipuotaninpi. Yunkan toketu hwo? heconpi kta ca hecetuyalapi kta hwo? Inila yaunpi kinhan hecetuwicayecilapi kecanicinpi kta. Wan! kikka po! Wicanlipi yamni kici wowapi lutanpi qon piya ableza po! Ospe (oegnake) 17 kin el yawa piye. Mazaska woyawa tanka yamni (3,000,000) egnakapi on lecel eyapi. "Hena United States tamazaska opiye el egnakapi na Sioux Ikcewicaša oyate hena ohinni tawapi egnakapi, na mazaša zaptan omaka iyohi aicage yankin kta, five per centum per annum, Secretary of the Interior iye tukte ognacin kin he ognayan iyawa ece kta. \* \* \* Na lecetutu kte: aicage kin he hanke Ikcewicaša tona den cajewicayatapi kin hena wicohan woonspe wankanl wapa on onspewicakiyapi kte na woonspe toktokeca on oyate onspewicakiyepica kin ognayan awicayusotapi kte, na mma hanke kin token i iyecectu na taku on ayusotapi kin hena, na taniyohi mazaska hea iwicayawapi kte, etc." Ho iwankab "woonspe wankanl wapa" eyapi kin na on nitawapi kin etanhan mazaša zaptan aicage cin on hanke aniciyusotapi kte cin, woonspe kin he tukte kapi hwo? Episcopal woonspe eyapi he? Congregational eyapi he? Šina Sapa eyapi he? Tokel kapi hwo? Ake ospe 17 woeye tokaheya wapa kin el etonwan po, el lecel eyapi: "Blehanska woope el oegnake išakowin el Dakota hena tokel onspewicakiyapi kta eye cigon—na on Dakota tanyan waonspepi kte cin tanyan okihi wicaye kta keye cin he detanhan tokatakiya waniyetu wikeemna nom hecegnana iyopte kte." Ho po Blehanska el wookiye kagapi qon Okolakiciye wan on woonspe kin on wanicuyusotapi eyapi hecetuyalapi hwo? Naiš Tunkanšilayapi (American woonspe) etanhan woonspe kin okihiniyapi kta kapi hwo? Ehake kin le ognayan kapi ye lo, canke wannan Owakpamni iyohi ektakta Owayawa nieicagapi, nahan otowwe ektakta Woonspe wankan wapa kin on Owaya yuke. Hecel Okolakiciye wanji el woonspe on mazaska nicipusotapi kta he kapi šni. Hecel taku kin le Lakota oyate yaunpi kin iyowinyakiyapi šni wašte. Kohan wowapi wan (Petition) yakagapi na lecekel wanicuyusotapi kta he iyonicipipi šni na hecetuyalapi šni he yuonibanyan niglaotaninpi kta iyececa. Eya wicoie kin lena unkeyapi kin, on ho iš he inawizipi, iš wokipajin on eya ce ecinpi kta naceca, tka hiya woinawizi na wokipajin kin he waliteunlapi šni, tka mazaska nitawapi lecel aškatapi kin he uncinpi unkanš iyecel unškanpi kta unkokihipi tka, nakun tohinni heconqonpi kta ca iyutanunyanpi tka owotanla šni, na wamanonpi kin heca cankel uncinpi šni, icin "wamayanon kte šni" Wakantanka eye. Hecel wicaša wanji. naiš nonpa iš isanpa, ho nakun okolakiciye wan wamanon kinhan, takomni wowotanla heca šni, na tuwa wan wamanon wan wanyaka naiš slolye cin, na yaotanin šni, inila yanke cinhan, tuwa wamanon iyececa yawapi ece. Wamanicinonpi kte heciniciyactaninpi kin on kikka po, na taku nitawapi kin tanyan awanyakapi kta na nicipuwaniacapi kte šni e naičijin wacin po, naičijin wacin po, mitakuyepi.

Anpao kin.

#### ANPETU WAKAN IYOHILA TAWOCE-KIYE ON WOONSPE.

Quinquagesima Anpetu Wakan.

Anpetu wakan yamni kin lena Lent on unkiyuwiyeyapi na wicohan tawa onspeunkiapi. Septuagesima Anpetu wakan kin he tancan icicuwapi kin on cante igluhapi kta he woonspe kin he. Sexagesima Anpetu wakan kin he cante unwašakapi kin on wacintankaya waskuyeca icalunyanpi kte cin he. Anpetu kin le Lent wicohan kin on wowaštelake, na he slolyapi kta ca nagi išta kin he tonweyapi na Wakantanka towaštelake on canteunkiapi qon (1 John 4. 19) he wanyakapi kta. Icin Lent wicohan otancan wowaštelake (wacantkiyapi) kin hee, na wicohan unkitawapi kin oyasin he tanhan hinape kta iyececa. Hekta Anpetu wakan qon wicohan econqonpi kin, he St. Paul iyecel wali tagya unškanpi eša, wanjini el wowacinye unkignakapi kte šni onspeunkiapi kin, le anpetu tawocekiye kin el, hena el wowacinye unkignakapi šni eša, nakun hena Wacantkiyapi cola econqonpi ehantanš hena taku šni onspeunkiapi.

Wocekiye kin.

Onspeunkiapi kin. Wowapi kin he el Wakantanka Toie on, na Wotanin wašte kin el Christ Tohan kin on onspeunkiapi. Wacantkiyapi, Wakantanka na wicaša ko wašteunlakapi kta. Nitaniya Wakan uye na uncantepi el unkokaštan piye, Woniya wawicacupi kin hee. Icin unkiyecinkala canteuunkiapi kta unkokihipi šni, wawicacupi heca lakaš, tka Woniya kin he kici unškanpi kta unkokihipi (3 Korinth. 6. 1) na tokel sanpa wowašte econqonpi na Christ waecaunkiconpi, na Iye on ipiunkicilapi hecinhan nakun sanpa na sanpa wašteunlakapi kta. Hecel Lent wicohan unkitawapi kin Woniya tawicohan kin okiya ece. Wawicacupi iyotan wašte, taku wicacupi kin iyotan tanka na wašte kin he. Wookiye na wowašte oyasin wiyakaške kin, icin Christian unpi kin olakolwicaye, wowaštelaka na wookiye kin icikoyagwicaye, na on Christian wicohan kin yuicaga na ecel yušanpi ece. Tuwe cola niun eša, nitokab te yawapi ece. Wakantanka itokab taku nom on unčapi onspeunkiapi, Unkiyela—ti kin canteunkiapi šni kin he (1 John 3. 15), na Itancan Tawagna wošnapi etanhan hecyab unkiyayapi kin he (John 6. 53). Christ Tancan na We kin etanhan wolunšipi qon ognan econqonpi šni ehantanhanš Wakantanka etkiya wowašte cola unqonpi.

Icin Wotapi Wakan kin ecela on Christ, tuwa wiconi unkitawapi kin, he eciyatanhan on Iye el niunqonpi, na Iš Iye, unkiyepi el niun. Hecel Itancan Htayetu wotapi kin he wowaštelaka unyuhapi

[Continued on first page]